

مجموعہ سنون

اثر

جمعیت علمیہ عثمانیہ

اوچنچی سنہ

نومرو ۳۱

رجب

استانبول

جمعیت علمیہ عثمانیہ مطبعہ سندہ طبع اولمشد

۱۲۸۱

(تاریخ قدمای ملوک مصریه)

بطلمیوس فبسکون

بروجد مسطور بطلمیوس فیلمتور وفات ایلد کده زوجہ شی قلیو پاتر
اوغلانی مسند حکومتہ اجلاس ایتمک استیوب اہالی دخی بو بایده
مساعد بولنش ایسده متوفاتک برادری اولوب صورت حالی بالاده
محرر بطلمیوس فبسکون حق سلطنتی ادعا و بودخی برحق طرفدار
پیدا ایتدیکندن روما جمهورى سفیرینک توسطیلہ و فبسکون مشیرہ سی
و برادرینک زوجہ سی اولان مومی الیہما قلیو پاتری تزویج ایتمک
ویکنی تربیہ ایله ولی عهد اتخاذ ایتمک شرطیلہ منازعہ مذکورہ مندفع
اولش ایسده فبسکون اشوعہدینہ وفا ایتدیرک همان ولیہ کونی
مذکور چوجخی قتل ایتدیردی . مشار الیہ ہر نقدر فسق و فجور
ایلہ مشغول ایسده امور مملکتی اصحاب اہلیت و استقامتدن ہیراقس
نام وزیرینہ تفویض ایلدیکندن ابتدای حکومتدن یدی سنہ
مرورینہ قدر مملکتک اسایشنہ خلل کلمدی . فقط بوندن صکرہ برقات
دہا عیش وعشرتہ انہماک ایتدکدن بشقہ متوفی برادرینک
بالجملہ طرفدارلرینی اعدام و سفاهت واقعہ سنک مستلزم اولدیغی

مصارف کلیسه به مقابل اولی اوزره اموال رعایایه دست تعدی بی
 درازایدوب بوباید نظم حال ایدنلری دخی قتل ایتدیررایدی . بنابرین
 اصحاب ثروت و سامان و ارباب فنون و صنایعدن و سایر اهالیدن
 پک چوق کسان ترك دیار ایله آسیا و یونان و ایتالیا طرفلرینه هجرت
 ایلدیلر . اول ائنده روماطرفدن مصره بر سفیر کلوب بونک اوراده
 بولندیغی مدتجه ملک مشار ایله بعض مرتبه اصلاح حال ایلمش
 ایهده سفیر مومی ایله عودت ایلدکده ینه حرکات سابقه سنه ابتدار
 و حتی زوجه سی قلیو پاتری تطبیق ایله کندی برادر و همشیره زاده سی
 اولان مومی الیهانک قرینی تزوج ایلدی . اهالی ارتق مشار الیهک
 مظالم واقعه سنه طاقت کتوره میهرک رفع لوای عصیان ایتملر ایهده
 خدمتنده اولان عساکر اجنبیه اعانه سیله تسکین فساد ایتدکدن
 صکره اسکندریه ده نقدر کنج و دینج ادم وار ایه آت میدانی نام
 محله جمع ایله کافه سنی قتل ایتدیردی . بونک اوزرینه اهالی تکرار
 عصیان ایدرک ظالم مشار الیهی احراق بالنار ایتمک اوزره مشعله لرله
 سراینه هجوم ایتدیلر . فقط هر فصل ایه تخلص کریبان ایدرک
 مطلقه سندن اولان منفس نام اوغلنی و زوجه جدیده سنی بالاستحصاب
 قبریس جزیره سنه فرار ایلدیکدن اهالی زمام حکومتی مشار الیهک
 مطلقه سی اولان سالف الذکر قلیو پاتریدینه تسلیم ایلدیلر .
 مشار ایله فبسکون دوچار اولدیغی اشبو فلاکتی مطلقه سنک تحریک
 و افسادینه جل ایلدیکدن بوندن طولانی اخذ انتقام مقصدیله
 مشار الیهادن اولوب رفاقتنده بولنان اوغلنی قتل و جسدینی پاره
 پاره قطع ایله بر صندوق دروننه موضوعاً اسکندریه به ارسال ایدوب
 بر ضیافت ائناسنده مشار الیهایه تقدیم ایتدیردی . شو حرکت بر

قائدها حقنده اهاليك بغض و نفرتني دعوت ايلدي . بوني
 متعاقب مشار اليه اجانبدن عبارت برارد و ايله مصر اوزرينه گلش
 و اهالي هر تقد ر عموما بالاتفاق مقاومته ابتدار المشار ايسده ده
 عنوة حكومت مصريه بي تكرار ضبط المشردر . زوجه سي مشار
 اليهانك ينه قلوپا تر نامنده اولان قزي بالاده بيان اولنديغي و جهله
 برالشام حكمداري ديمتريوسك زوجه سي بولنديغندن حكمدار مشار
 اليه قاين والده سنه امداد ايتك اوزره برارد و ايله مصره گلش ايكن
 برالشام طرفنده اختلال وقوعنه مبنى مملكتنه عودته مجبور اولمش
 ايدى . بوجه محرر مشار اليه فسكون حكومت مصريه بي تكرار
 ضبط ايتد كده ملكه مشار اليها برالشام طرفنه فرار و دامادى زدينه
 التجا المشر اولسيه بو كيفيت مصر و برالشام حكمدار لرى بيننده
 خصومتى داعى اولدى . بو ائشاده اسكندريه لو براسكيچنك اوغلى
 اسكندر زيبا نام بر شخص بالاده اعدامى بيان اولئان اسكندر بللانك
 كويا اوغلى اولديغنى ادعا و برچوق طرفدار پيدا ايدرك برالشام
 ملكى ديمتريوس ايله محاربه يه قيام ايلديكندن مصر حكمدارى بو
 حادثه بي اخذ انتقامه تمام فرصت عديله مر قوم اسكندره اعانه
 ايتك اوزره برالشامه عسكر كوندردى و شخص مر قوم برالشام
 حكمدار بى خلع ايدرك زمام حكومتى اله الدى . بوند نصكره مصر
 الكاسنده فسكونك مظالم و تعديات بى نهايه سنه علاوة برده مثلى
 نامسبوق درجده چكر كه ظهور ايدوب هر طرفده تلف اولديغندن
 بوندن حاصل اولان تعفتك داعى اولديغى و باعلتى مملكتى بتون بتون
 خراب ايلدى . مشار اليه فسكون يكرمى طقوز سنه حكومت ايدوب
 يئش اوج ياشنده اولديغى حالده وفات ايلدى .

بطلمیوس لاتیر و اسکندر

حکمدار سابق فبسکون میلاددن یوز اون الی سنه مقدم وقوع وفاتنده اوغللری اولان بطلمیوس لاتیر ایله اسکندردن قنغبسنی ترجیح ایدرایسه حکومتی اگاتسلیم ایتک اوزره امر انتخابی زوجه اخیره سی قلیوپاتره حواله و مصرک جانب غریبسنده واقع سیریانک ایالتی دخی بطلمیوس اپویه نام ولد نامشروعنه ترک ایش ایدی . مشار الیها دخی کوچک اوغلی اولان اسکندرک حداثت سنه مبنی مومی الیه حکمدار اولدیغی حالده زمام حکومت نوعما کدو النده بولنه جغی ملاحظه سیله بونی اجلاس و بیوک اوغلی قبریس اطه سنه والی تعیین ایش ایسده مشار الیهاتک شوحرکتی موافق حقانیت اولدیغی جهته کبرای ملت اتفاق و بیوک اوغلی لاتیرک ینه اسکندریه یه جلبیله مقام پدره اجلاس و کوچک برادری اسکندرک دخی ایتک یرینه قبریس جزیره سنه تعیین و اعزامی حقنده مشار الیهایی اجبار ایتدیله .

لاتیر مقدم تزوج ایش اولدیغی قلیوپاتر نام همشیره سنی تطلیق ایله سبیلین اسمنده دیگر همشیره سنی تزوج ایلدیکندن مطلقه هر قومه برالشام طرفه کیدوب خطه مذکوره حکمداری بولنان انطیوکوس غریبوسک برادری دوسیزیک نام ذات ایله تزوج ایشیدی . مومی الیه انطاکیه شهرنده برادری علیهنه برفساد چیقاردیغندن حکمدار مشار الیه شهری مذکور ی حصر و تضییق ایدوب و هر قوم قلیوپاتر دخی زوجی شهرده بولمادیغی جهته مقاومت مقتدر اوله میوب انطیوکوس ایله معاهده ایدرک کندوسنی و شهر مذکور ی تسلیم ایلدی . حکمدار مشار الیهک زوجه سی تربیفین مومی الیها قلیوپاتری اعدام ایتدیردیکندن .

مقتوله نك زوجى دوسيريك دخی اخذ انتقامه قیام و برادری
ایله محاربه و غلبه ایدرك مومی الیها ترفیقین اخذ و اعدام ایلدی .
مصر ملکی لاتیرا شبو دوسيريك ایله عقد اتفاق ایتدیکندن اول
انشاده برالشام حکومتی داخلنده بولسان یهودیلر عصیان ایتسیله
یهودییلر ملکی بولسان یوحان هیرکان شو اختلالی فرصت اتخاذ ایله
دوسيريكك تحت تصرفده اولان ساماریه شهرینی محاصره ایلکله
مصر ملکی متفقك امدادینه عسکر ارسالنه ایتدار ایدوب انجق
و کلا سندن والده سنك معتمدی اولان ایکی یهودی ملك مشار الیهی
بو نیتدن صرف نظر ایتدیرمکه سعی ایتسلا ايسده مشار الیه كرك
بو خصوصده و كرك دیگر مصالحده والده سنك رأى و نصیحتنه
احاله سمع اعتبار ایلدیکندن مومی الیها بوندن زیاده منفعل اوله رق
اوغلی مشار الیهك خلعیله یرینه کندوسنه مطیع کورینان دیگر اوغلی
اسکندر ك مسند حکومته اقعادینی تصیم و برکون کندو خدمه سندن
بر قاج کشی بی جرح ایتدیروب بولنر ایله اسکندریه سوقاقلرنده
فریاد و فغان ایدرك کویا ملك کندوسنی قتل ایتدیرمك ایچون اوزرینه
ادملا کوندرهش و مدافعه ایدن خادملاری اولوجهله مجروح اولش
اولدیغنی اشاعه و اعلان ایلدیکندن اهالی شو صنیعه بی حقیقته جل
ایله عصیان ایدرك حکمداری خلع و زوجه سنی اسکندریه ده توقیف
ایله کندوسنی قبریس اطه سنه طرد و ابعاد و یرینه برادری اسکندری
مسند حکومته اقعاد ایلدیلا . مشار الیه لاتیر دوچار اولدیغی اشو
فلاکتاری یهودیلره اسناد ایلدیکندن بر مقدار عسکر جمع ایدرك
یهودییلر ملکی بولسان اسکندر علیهنه اعلان حرب ایلدی و شاریه
نهری ساحلنده طرفین بیننده عظیم بر محاربه وقوع بولوب بو وقعه ده

اسکندر مغلوب و اوتوز بیک قدر یهودی عسکری مقتول اولدی .
 ژوزف و استرایون نام مؤرخلرک روایتسه کوزه بو محاربه ده لاتیر
 طوتیلان اسرانی کافه سنی قتل و لاشه لرخی عسکرینه اکل ایتدیرمشدز
 اشبو حرکت وحشیانه صفت انسانیته مغایر اولدیغی جهتله شایان اعتماد
 کورغز ایسه ده اول وقتلرده ارتکاب اولنان انواع حرکات غدارانه یه
 نظر ابونک دخی وقوعی عقلا پکده استبعاد اولنه مز . بوندن صکره
 مصرملکی بولنان اسکندر طائفه یهوددن بولنان و کلاسنک والده سی
 واسطه سیله وقوع بولان تشویقی اوزرینه براردو ترتیب ایدرک و والده سی
 دخی برابر الهرق برادر یله محاربه ایتمک اوزره برالشام طرفته عزیمت
 و اثنای راهده اسکندر نام اوغلی استانکوی جزیره سنده ترک ایلدی .
 اول اثناده لاتیر عکا شهرینی محاصره ایتدیکندن مصرملکی
 کندوسیه محاربه و غلبه ایتمکله لاتیر اورادن یقایی قورتاروب
 برادرینک غیوبتی ائناسنده مصر حکومتی ضبط ایتمک اوزره
 اسکندریه یه گمش ایسه ده اهالی کندوسی قبول ایتدیکندن تحت
 اداره سنده بولنان قبریس جزیره سنه عودت ایلدی . قلیوباتر
 اوغلی لاتیرک شامملکی انطیوکوس غریپوس علیهنده بولنان برادری
 انطیوکوس دوسیزیک ایله اتفاق ایلدیکنه مبنی دیگر اوغلی اسکندری
 شام ملکک امدادینه ارسال و حتی لاتیرک زوجه سی اولوب مقدا
 اسکندریه ده ایقوننش اولان سیلین نام خاتونی ملک مشارالیه تزویج
 ایلدی . قلیوباتر حرص و طمعی غالب بر ادم اولوب بویولده هر
 درلو قبایحی ارتکاب ایلدیکندن امدادینه گمش اولدیغی یهودیلر
 ملکی نزدنده مسافر اولدیغی حالده مشارالیه قتل ایله مملکتی ضبط
 ایلکی تصمیم ایدوب فقط و کلاسی اشبونیت فاسده نک اجرا سندن

کندوسنی منع ایتمش لر در . بوند نصکره مصر ملکی اسکندر والده سیله
برابر اسکندریه عودت ایلد کده والده سنک اوضاع فتح کمانه سندن
دلکیر اوله رق زمام حکومتی ترک ایله آحاد ناس منزله سنه تترله دخی
راضی اولش ایسده والده سنک کندو علیهنده سو قصد ایده جکنی
استخبار ایتمکله مومی الیهایی کندوسی قتل ایتدیردی . بوتک اوزرینه
اهالی عصیان ایدرک ملک مشار الیهی خلع و طرد و برادری لاتیری
قبریس اطه سندن جلب ایله یرینه اجلاس ایتدیلر . بواشاده
حکمدار اسبقک سالف الذکر اوغلی بطلمیوس اپیون وفات ایدوب
تحت تصرفنده اولان سیرینایک ایالتی باوصیتامه روما جمهورینه
ترک ایلدی .

مشار الیه لاتیر برمنوال محرر مستد نشین حکومت اولدقده مصرک
جانب جنوبیسنده واقع صعیده اختلال ظهور و ملک سابق اسکندر
دخی کروه عصات ایله اتحاد ایدرک ملک لاحق اوزرینه کیدوب
غلبه کلیمیه مظهر اولدیلر . بو وقعه ده مشهور تب شهری خراب
و انشای محاربه ده اسکندر دخی مقتول اولدی و بوندن براز وقت
صکره لاتیر دخی وفات ایلدی . بوتک مدت حکومتک نصف اولی
والده سیله مشترک اولدیغی حالد اون برو نصف ثانیهی بش سنه
اولوب قبریس اطه سنده دخی اون سکن سنه اجرای حکومت
وحین وفاتنده امر حکومتی قلیو پاتر نام قزینه وصیت ایلدی . فقط
بالاده بیان اولندیغی اوزره متوفاتک برادری اسکندر برالشم طرفند
کیدر ایکن کذلک اسکندر نامنده و بش یاشنده براوغلی استانکوی
جزیره سنده براقش اولدیغندن ایوم طربزون و اما سیه ایالتیرنی مشتمل
اولوب پونتوس تعبیر اولنان الکاتک میریدات نام ملک مشهوری اول

اثناده جزیره مذکوره بی فتح و تسخیر و طفل مر قومی دخی اسیر
ایتشیدی. بر مدت صکره ملک مشار الیهک ممالکنی روما اردوسی
سر عسکری سیلا ضبط و استیلا ایلدیکندن مذکور چو جغنی دخی
رومایه کوندرک اوراده تربیه ایتدیرهش اولسیله مؤخرأ مصرملکی
لاتیر برهنوال محرو و وقوع وفاتیه امر حکومت قرنی قلیو پاتره انتقال
ایلدیکندن و اول اثناده جنرال مومی الیه دخی روما جمهوری رئیس
بولند یغندن حسب الورائه اسکندری پدری مقامنه اجلاس ایتک
استیوب بوندن ظهوره کلان منازعه قلیو پاترک اسکندره تزویجیه
برطرف ایدلمش ایسه ده ولیمه دن اون طقوز کون صکره اسکندر
زوجه سنی قتل ایدرک زمام حکومتی ید استقلالته الدی.

(مابعدی صکره) (خلیل) (محمد جیل)

سفیر پترسبورغ سفیر کیرپارس

(کشف منبع نیل)

نیلک منبعنی کشف ایتک اوزره لوندره جغرافیا جمعیتی طرفندن مأموراً
بر قاج سنه مقدم افریقایه عزیمت ایتش اولان ذوات ایضای مأموریتله
مؤخرأ عودت ایتش و بونلرک اولسایده نشر ایلدکلی سیاحتنامه
افریقای شرقی حقیقه پک چوق معلومات مفیده بی شامل بولنش
اولغله خلاصه مانک بوجه اتی ترجمه و تخریرینه ابتدار اولور.

کره ارضده بولنان انهار کیره دن نیل قدر شایان دقت و اهمیت
اولانی پک ازدر. نهر مذکور هر قدر جسامتجه برنجی دکل ایسه ده